

ÁKVÖRÐUN SAMEIGINLEGU EES-NEFNDARINNAR
nr. 25/2008

frá 14. mars 2008

um breytingu á II. viðauka (Tæknilegar reglugerðir, staðlar, prófanir og
vottun) við EES-samninginn

SAMEIGINLEGA EES-NEFNDIN HEFUR TEKIÐ NEÐANGREINDA ÁKVÖRÐUN

með hliðsjón af samningnum um Evrópska efnahagssvæðið, með áorðnum breytingum samkvæmt bókun um breytingu á samningnum um Evrópska efnahagssvæðið, er nefnist hér á eftir „samningurinn“, einkum 98. gr.,

og að teknu tilliti til eftirfarandi:

- 1) II. viðauka við samninginn var breytt með ákvörðun sameiginlegu EES-nefndarinnar nr. 8/2008 frá 1. febrúar 2008 ⁽¹⁾.
- 2) Fella ber inn í samninginn reglugerð Evrópuþingsins og ráðsins (EB) nr. 1907/2006 frá 18. desember 2006 um skráningu, mat, leyfisveitingu og takmarkanir, að því er varðar efni (efnareglurnar (REACH)), um stofnun Efnastofnunar Evrópu, um breytingu á tilskipun 1999/45/EB og um niðurfellingu á reglugerð ráðsins (EBE) nr. 793/93 og reglugerð framkvæmdastjórnarinnar (EB) nr. 1488/94, sem og tilskipun ráðsins 76/769/EBE og tilskipunum framkvæmdastjórnarinnar 91/155/EBE, 93/67/EBE, 93/105/EB og 2000/21/EB ⁽²⁾ ásamt leiðréttingum sem birtust í Stjtið. ESB 136, 29.5.2007, bls. 3.
- 3) Fella ber inn í samninginn tilskipun Evrópuþingsins og ráðsins 2006/121/EB frá 18. desember 2006 um breytingu á tilskipun ráðsins 67/548/EBE um samræmingu ákvæða í lögum og stjórnarsýslufyrirmælum um flokkun, pökkun og merkingu hættulegra efna til að laga hana að reglugerð (EB) nr. 1907/2006 um skráningu, mat, leyfisveitingu og takmarkanir, að því er varðar efni (efnareglurnar (REACH)), og um stofnun Efnastofnunar Evrópu ⁽³⁾ ásamt leiðréttingum sem birtust í Stjtið. ESB 136, 29.5.2007, bls. 281.

ÁKVÖRÐUNIN ER SVOHLJÓÐANDI:

1. gr.

XV. kafli II. viðauka við samninginn breytist sem segir í viðauka við ákvörðun þessa.

2. gr.

Íslenskur og norskur texti reglugerðar (EB) nr. 1907/2006, með leiðréttingum sem birtust í Stjtið. ESB 136, 29.5.2007, bls. 3, og tilskipunar 2006/121/EB, með leiðréttingum sem birtust í Stjtið. ESB 136, 29.5.2007, bls. 281, sem verður birtur í *EES-viðbæti við Stjórnartíðindi Evrópusambandsins*, telst fullgiltur.

⁽¹⁾ Stjtið. ESB L 154, 12.6.2008, bls. 15, og EES-viðbætur við Stjtið. ESB nr. 33, 12.6.2008, bls. 13.

⁽²⁾ Stjtið. ESB L 396, 30.12.2006, bls. 1.

⁽³⁾ Stjtið. ESB L 396, 30.12.2006, bls. 850.

3. gr.

Ákvörðun þessi öðlast gildi 15. mars 2008 að því tilskildu að allar tilkynningar samkvæmt 1. mgr. 103. gr. samningsins hafi borist sameiginlegu EES-nefndinni (*).

4. gr.

Ákvörðun þessi skal birt í EES-deild *Stjórnartíðinda Evrópusambandsins* og EES-viðbæti við þau.

Gjört í Brussel 14. mars 2008.

Fyrir hönd sameiginlegu EES-nefndarinnar

Alan Seatter

formaður.

(*) Stjórnskipuleg skilyrði gefin til kynna.

VIÐAUKI

við ákvörðun sameiginlegu EES-nefndarinnar nr. 25/2008

XV. kafli II. viðauka við samninginn breytist sem hér segir:

1. Eftirfarandi bætist við á eftir lið 12zb (ákvörðun framkvæmdastjórnarinnar 2007/565/EB):

„12zc. **32006 R 1907**: Reglugerð Evrópuþingsins og ráðsins (EB) nr. 1907/2006 frá 18. desember 2006 um skráningu, mat, leyfisveitingu og takmarkanir, að því er varðar efni (efnareglurnar (REACH)), um stofnun Efnastofnunar Evrópu, um breytingu á tilskipun 1999/45/EB og um niðurfellingu á reglugerð ráðsins (EBE) nr. 793/93 og reglugerð framkvæmdastjórnarinnar (EB) nr. 1488/94, sem og tilskipun ráðsins 76/769/EBE og tilskipunum framkvæmdastjórnarinnar 91/155/EBE, 93/67/EBE, 93/105/EB og 2000/21/EB (Stjtið. ESB L 396, 30.12.2006, bls. 1), með leiðréttingum sem birtust í Stjtið. ESB 136, 29.5.2007, bls. 3.

Ákvæði reglugerðarinnar skulu, að því er samning þennan varðar, aðlöguð sem hér segir:

- a) EFTA-ríkin skulu taka þátt í starfi Efnastofnunar Evrópu („stofnunarinnar“) sem var sett á fót með reglugerð Evrópuþingsins og ráðsins (EB) nr. 1907/2006.
- b) Þrátt fyrir ákvæði 1. bókunar við samninginn skal túlka hugtakið „aðildarríki“ í reglugerðinni þannig að það taki til EFTA-ríkjanna auk merkingar samkvæmt reglugerðinni.
- c) Að því er varðar EFTA-ríkin skulu Eftirlitsstofnun EFTA eða fastanefndin, eftir því sem við á, njóta aðstoðar stofnunarinnar við þau verkefni sem þeim eru falin, hvernig og hvenær sem það á við.
- d) Að því er varðar vörur sem ákvæði tilskipunar 91/414/EBE taka til skal EFTA-ríkjunum frjálst að takmarka aðgang að mörkuðum sínum í samræmi við ákvæði landslaga sem eru í gildi á gildistökudegi samnings þessa. Um nýjar EB-reglur fer samkvæmt málsmeðferðinni sem mælt er fyrir um í 97.–104. gr. samningsins.
- e) Komi til ágreinings milli samningsaðila um framkvæmd þessara ákvæða gilda ákvæði VII. hluta samningsins að breyttu breytanda.
- f) Eftirfarandi bætist við í lok 10. mgr. 3. gr.: „eða tollsvæði EFTA-ríkjanna“.
- g) Eftirfarandi aðlögunarákvæði bætist við í 8. mgr. 64. gr.:

„Þegar framkvæmdastjórnin tekur ákvörðun um leyfisveitingu skulu EFTA-ríkin taka samsvarandi ákvörðun samtímis, þ.e. áður en 30 dagar eru liðnir frá ákvörðun framkvæmdastjórnarinnar. Senda ber sameiginlegu EES-nefndinni upplýsingar um slíkar ákvarðanir og skal hún birta þær reglulega í EES-viðbæti við Stjórnartíðindi Evrópusambandsins.“

- h) Eftirfarandi málsgrein bætist við í 79. gr.:

„4. EFTA-ríkin skulu taka fullan þátt í störfum stjórnar og hafa þar sömu réttindi og skyldur og aðildarríki EB, að undanskildum atkvæðarétti. Starfsreglum stjórnarinnar skal haga þannig að EFTA-ríkin geti tekið fullan þátt í störfum hennar.“

- i) Eftirfarandi málsgrein bætist við í 85. gr.:
- „10. EFTA-ríkin skulu taka fullan þátt í störfum aðildarríkjanefndarinnar, áhættumatsnefndarinnar og nefndar um félagshagfræðilega greiningu og hafa þar sömu réttindi og skyldur og aðildarríki EB, að undanskildum atkvæðarétti. Starfsreglum þessara nefnda skal haga þannig að EFTA-ríkin geti tekið fullan þátt í störfum þeirra.“
- j) Eftirfarandi málsgrein bætist við í 86. gr.:
- „5. EFTA-ríkin skulu taka þátt í gagnaskiptatorgi vegna framkvæmdar. Starfsreglum gagnaskiptatorgsins skal haga þannig að EFTA-ríkin geti tekið fullan þátt í því.“
- k) Eftirfarandi málsgrein bætist við í 89. gr.:
- „Ríkisborgarar EFTA-ríkjana skulu vera hlutgengir til setu í kærunefndinni sem aðalmenn eða varamenn.“
- l) Eftirfarandi málsgrein bætist við í 96. gr.:
- „12. EFTA-ríkin skulu taka þátt í rekstri Efnastofnunarinnar frá því að ákvörðun þessi öðlast gildi. Í þessu skyni skal beita málsmeðferðinni sem mælt er fyrir um í a-lið 1. mgr. 82. gr. samningsins og bókun 32 við hann, að breyttu breytanda.“
- m) Eftirfarandi bætist við í 102. gr.:
- „EFTA-ríkin skulu láta Efnastofnunina njóta sérréttinda og friðhelgi með hliðstæðum hætti og kveðið er á um í Bókun um sérréttindi og friðhelgi Evrópubandalaganna.“
- n) Eftirfarandi málsgrein bætist við í 103. gr.:
- „Þrátt fyrir ákvæði a-liðar 2. mgr. 12. gr. ráðningarskilmála annarra starfsmanna Evrópubandalaganna er framkvæmdastjóra Efnastofnunarinnar heimilt að gera ráðningarsamning við ríkisborgara EFTA-ríkjana sem njóta óskertra borgaralegra réttinda.“
- o) Eftirfarandi málsgrein bætist við í 118. gr.:
- „5. Ákvæði reglugerðar Evrópuþingsins og ráðsins (EB) nr. 1049/2001 frá 30. maí 2001 um almennan aðgang að skjölum Evrópuþingsins, ráðsins og framkvæmdastjórnarinnar skulu, að því er varðar framkvæmd reglugerðar (EB) nr. 1907/2006, einnig gilda um þau skjöl stofnunarinnar sem varða EFTA-ríkin.“
- p) Eftirfarandi málsgrein bætist við í 124. gr.:
- „Stjórnvöldum í Liechtenstein skal ekki skylt að koma upp þjónustuborði. Þess í stað munu þau vísa á þjónustuborð þýsku sambandsstofnunarinnar um öryggi og hollustuhætti á vinnustað á vefsíðum þeirrar stofnunar í Liechtenstein sem hefur með höndum efnaeftirlit, þ.e. Umhverfisskrifstofunnar (*Amt für Umweltschutz*).“

2. Eftirfarandi undirliður bætist við í 1. lið (tilskipun ráðsins 67/548/EBE):

„– **32006 L 0121**: Tilskipun Evrópuþingsins og ráðsins 2006/121/EB frá 18. desember 2006 (Stjtíð. ESB L 396, 30.12.2006, bls. 850), með leiðréttingum sem birtust í Stjtíð. ESB L 136, 29.5.2007, bls. 281.“

3. Eftirfarandi undirliður bætist við í lið 12r (tilskipun Evrópuþingsins og ráðsins 1999/45/EB):
 - „– **32006 R 1907**: Reglugerð Evrópuþingsins og ráðsins (EB) nr. 1907/2006 frá 18. desember 2006 (Stjtið. ESB L 396, 30.12.2006, bls. 1), með leiðréttingum sem birtust í Stjtið. ESB L 136, 29.5.2007, bls. 3.“
4. Texti 10. liðar (tilskipun framkvæmdastjórnarinnar 91/155/EBE) falli brott. Texti sextánda undirliðar (tilskipun framkvæmdastjórnarinnar 93/105/EBE) og tuttugasta og annars undirliðar (tilskipun framkvæmdastjórnarinnar 2000/21/EB) 1. liðar (tilskipun ráðsins 67/548/EBE), liðar 12e (reglugerð ráðsins (EBE) nr. 793/93) og liðar 12f (reglugerð framkvæmdastjórnarinnar (EB) nr. 1488/94) falli brott 1. júní 2008. Liður 12d (tilskipun framkvæmdastjórnarinnar 93/67/EBE) falli brott 1. ágúst 2008. 4. liður (tilskipun ráðsins 76/769/EBE) falli brott 1. júní 2009.